

JOHRESRÖCKBLECK 2022

Aktives Alter Littau, Wanderungen

Ziischtig 2022 02. 22. Nachmittagswanderung Ballwil – Inwil

Ändlech dörfe mer weder go wandere. 29 wanderhongrige inkl. WL. Hend sech agmäudet zo dere Frühjohrswandrig. Hend welle öppis neus gseh oder ame Ort dore spaziere, wommer ellei sösch weniger gieng.

S’Baubu hed de Urs met grosser Freud Alli wellkomme gheisse. Ganz speziell drei Persone, nämli; Mäni Bättig, Fermiento Emilia ond Agnes Künzli.



Bald semmer em flotte Schrett em Urs uf de Färse gfolgt. Er he düs gseit es gäb de schon no ein bes zwe Trenkhalt ond was sösch no öppi so müessti sii. Dor Fäld- ond Waldwäg semmer emmer nöcher üserem Ziel entgägecho. Mer hed die tolli Bergwält wo üs offebart worde esch bestuunt.



Es esch e chorzwilig Wandrig gseh, ned onbedengt rueg, aber was söll’s, wemmer enand weder e mol gseht ond de no ohni Maske, begriflich, dass vel z’verzell ghä hed.



Do be dere Hötte hed’s die erscht Stärchig gä, i geischtiger Form die wo hey welle, Chrisiwasser usem Flachmaa. Aber- wäge dem esch niemer flach gläge. Hed jo ned vel gä för di wo hei welle. Wi seid mer doch e Tropfe ufen heisse Stei!

Ziischtig 2022 03. 22. Nachmittagswanderig Sins - Burg Hünenberg – Rotkreuz

Schöner hät’s ned chöne sii. Allfällig Rägescherm wärde zo Sonnescherm omfunktioniert. Alli hend Platz em Zog. En Rotkrüz geht’s



De erscht Fuesmarsch ,Perronwächsel. Met de S-Bahn noch Seis, (Sins). Hie esch mer uf de Suechi nochme ne WC. E glänzige Kubus esch gfonde worde

ond scho hed sech e Schlange beldet. Veli hend no schnell,



schnell öppis erledigt. Zögig semmer denn ufem Rүүsdamm in Rechtig Hünebärg Burg marschiert.



Scho gli god's de id Höchi, vo do us esches de nömmen wiit zor Borg. Ziel erreicht, Dorscht ond Höngerli wärde gfuehred. Alli hend scho g'hofft, de Peter ond ech hebes vergässe. D'Reisechöschte z'verlange. Bald goth's wiiter.

Mer wette jo no die schöni Wanderig in flössiger Form begiesse, leider hed's nömm vör Alli glänged. So was mer ghört hed säge, trotz ohni Abschluss Tronk e schöni Wandrig gseh. Das freut üs Wanderleiter natürli, ganz speziell aber die wo's organisiert hend.



Ziischtig 2022 04.19/26. Willisau – Hergiswil a/Napf – Luthern

Met grosser Freud send mier Vier gstartet zum Rekognosziere. Es hed alles gstomme. Tolls Wätter, lehrliche Wanderwäg tolli Omgäbig. Jetz bliibt nüd andres als z'warte, wie de Petrus för am 26 igschte s'Wätter parat hed.

Nei ned scho weder mer heds am Mändig scho gseh, Schei... Scho weder absäge. Lieber als es Bei verheit. Ergend wenn, bringe mer die Wandrig schon no über d'Bühni.

Ziischtig 2022 05.24. Üetliberg-Felsenegg-Albispass

Möge Üs Chatzestrecke Zörcher ned? Wieso die Frog. Ganz eifach, wieso esch denn die Wandrig scho weder em Räge zum Opfer gfalle?

Ziischtig 2022 06. 28. Schöpfheim – Obstalden – Entlebuch

O mier verdleidets. Emmer nomesgliche wär de e schöni Wandrig gseh. Mer probieres de z'schriebe. Wäge nasse Wendle, vom Petrus do obe, liebi Lüüt esch die Wandrig einisch me is Wasser gheit. Da

wär de e schöni Wandrig gseh. Mer probieres de nöchschts Jahr nomol.

Ziischtig 2022 07. 26. Olten - Sälischloss - Zofingen

Ha welle sechersi. So send d'Ursula ond ech vel früener ellei go luege wos döre goht. Häät's besser lo sii. Nor well mier zwöi ned de Signalisation gfolgt send, semmer de halt em Seich omegloffte ond geschwetzt. Besser esch es de be de rechte Uskondschaftig gloffe, dank mine zwe chartekondige

Wanderleiter Kollegen Urs ond Peter. Ha scho chli öppis müesse ghöre. Has aber gli abegschlökkt gha be me ne oder zwöi feine Panaché onder de Lende. Leider esch es för mech a der eigentliche Wandrig ned dezue cho. Die wo sech agmäudet hend, wösses werom. Zor allgemeine Berueig, alles weder guet.

Ziischtig 2022 08. 23. Niederbauen – Stockhütten

Vierzähni hend sech för di langersehnti Bärgwanderig agmäudet. För das früe Ufstoh semmer met beschtem Wätter belohnt worde. Käs Wölkli. Vellecht no es Schleierwölkli vor de Auge. Met Bus, Bahn ond Poschtauto hemmer Talstation vo de Luftseilbahn Emmetten-Niederbauen erreicht. D'Loftseilbahn bringt üs den zor Bärgstation Niederbauen. Überwältigt vo dere Ussecht, hät eim fascht chönne trömmliig wärde.

UF de Alp Tritt heds denn es Kafi gäh. Die gröschti Afforderig bestoht üs no bevor. De Ufsteg en richtig Fulhorn. 140 Tritt hed de Stani glaub ech zellt. Verschnuf- ond Trennpause. Wiiter, de Honger naged. Benere schöne Alphötte, Langhütten, semmer änegsässe ond hend üses Picnic gässe. D'Hühner hend de vör gsorget, dass de Bode suber blobte esch. Frösch gsträkt ond usgeschloffe, gäll Phuong. Semmer über Stock ond Stei em Ändziel, Stockhütte emmer nöcher cho.

S'Marschtempo hed werkig zeigt, de Doft vo Mineralwasser met Hefegschmack hed de zue bitreid (Mineralwasser med Hefegschmack dem seitmer be Insiderchreise eifach Bier).S'Ändi vomene

wunderbare Wandertag esch met ere Gondelbahnfahrt igleitet worde. Met de öbliche ÖV's semmer abschliessend heigfuehrt worde.

Zischtig 27. 09. 2022 Panoramaweg Reute-Hasliberg-Brünig-Passhöhe

Wie schön wär's gseh, hätte mier vier Wanderleiter met Eui die Wandrig dörfe mache. Leider hed weder einisch meh, de Petrus vom

Himmelstor üs das ned möge gönne. Är hed ned welle wie mier. Möche mer die Wandrig haut nöchschi Jahr. liverstande?

Zischtig 25. 10. 2022 Schenkon – Rickenbach

Wandernetgled in Person von de Irene Nohl herzlich begrüesse.

O Schreck, es ragnet scho weder. Cha doch ned sii, dass mier die Wandrig scho weder müend absäge? Nei de Petrus hed verbarme med Eus. Üse Petrus goht zom Gasshof damet Alli chöne med em 40er zom Bahnhof Süd fahre. Onderwägs, be de Haltstell Matt, stigt de Räschte zue. Länged's ächt no onder chömer üsem Zog noch Sursee nor no wenke. Glöck gha die Schar vo 24 WanderInnen/Wanderer hend Alli e Platz gfonde. Met Postauto Nr. 84, fahre mer bis Zellfeld (Schenkon). Usstiige ond Stöck bereit mache. I ha ned welle ufem Trottoir begrüessig mache. Do hani em ganze Trubel vergässe, dass mer s'erschmol öpper Neuis onder Euis händ, z'begrüesse. ÄGXGÜSI Irène. Die zwöi Frömde wo metgloffte send, hets sech denn usegestellt, es esch de Brüeder met Frau vo üsere Margrit Wechsler-Lauber gseh. Bedächtig nämmer de happig Ufsteg i Agreff. Dor Wald ond Fäld wird em Tann zue gwanderet. Zwösche dore öppe mol e chli verschnufed. Au trenke esch erlaubt gseh. Es hed

es wiili duret bes mer d'Höchi erreicht hend. Send aber met ere tolle Ussecht uf Sorsi ond de Mauensee e wa hani do au ghört, da esch doch de Sämpachersee, ? womer gseh händ. Liechtfüessig semmer de vo jetz a netzi marschirt. Mer hed scho gmerkt, ganz fini Nase hend e Wertschaft groche. I de Rickebacher Dorf-Wertschaft, semmer dänn au ikehrt. Trotzdem mer jo üs agmäudet gha hend, hed's es betzli duuret bes Alli händ chöne de Dorscht lösche. Leider hed de Chrüter ned vör Alli glänget. Ponkt 17.38 semmer de med em 52er i Rechtig Lozärn gschöttlet worde. Bem Bahnhof en Lozärn hemmer de ÜSE Bus i Beschlag gnoh. Wie emmer müed aber glöcklich semmer ohni Schade de Hei aglangt. Mier vier Wanderleiter danke för's metmache. Esch vel gmüetlicher gseh als e lei go wandere.

I möchte mi no entschuldige för en Onterlassigs Sönd. Es send ned nor Laubers debi gseh. Nei i hätt sölle es neus

Zischtig 22. 11. 2022 Schlosswanderig met Höck

Abmarsch 13.15 Uhr Schulhaus Matt
13.35 Uhr Unterstation CKW
13.55 Uhr Friedhof Reussbühl
14.15 Uhr alte Fähre Nordpol WC
14.20 Uhr Abmarsch Nordpol
14.35 Uhr alte Sedelbrücke
14.50 Uhr Wehr CKW
15.05 Uhr Rest. Sternen

Was söll ech do de zue no lang schwätze? Schön sende sovel metcho.

27gi hani zöut. Ond i hoffe, mer gsächid üs nöchschi Jahr be de eint oder ander Wandrig. Wie emmer hemmer üs Müeh ghä, es Wanderprogramm zämmestelle, wo's för Alli öppis debi hed.

Mier Dank för's metwandere: Stani, Urs, Peter ond Walti

Walti Jten